

X CAMPIONATO GALEGO ESCOLAR DE ORIENTACIÓN A PÉ



Monte Pedroso - 21 de abril de 2018

1. ORGANIZA

Club USC (FEGADO) coa colaboración da Universidade de Santiago de Compostela.

2. LUGAR

Monte Pedroso en Santiago de Compostela.


O Centro de Competición (secretaría, chegada e meta) estará no Parque da Granxa do Xesto.

Coordenadas de acceso ao lugar: 42.894237, -8.558852. Non haberá sinalizacións para chegar.

Localización en google maps con este enlace:

[Granxa do Xesto](#)

Neste esquema pode verse a ubicación da secretaría e da presaída a onde se terán que desprazar todos os corredores cunha antelación mínima de cinco minutos. Prégase non rebasar as cintas que delimitarán a zona de competición



O espazo destinado a aparcamento é reducido polo que compre aproveitalo ao máximo **segundo as indicacións do persoal da organización** que colaborará nesta tarefa.

Os microbuses terán un espazo reservado polo que se recomenda o emprego deste medio de transporte. No caso de desprazarse en autobús poñerse en contacto coa organización para xestionar a súa ubicación.

Modificación respecto do primeiro boletín: Non se poderá aparcar na estrada de acceso -entre as dúas rotondas- en ningún dos dous sentidos para permitir a subida de microbuses e autobuses.

3. DATA E HORARIO

Sábado, 21 de abril.

10:00 – Apertura. Entrega de pinzas electrónicas.

11:00 – Saída dos primeiros corredores.

13:30 – Peche e entrega de trofeos

4. RECOLLIDA DAS PINZAS ELECTRÓNICAS EN SECRETARÍA

O responsable do club ou centro educativo recollerá na secretaría as pinzas electrónicas e entregarallas aos seus corredores segundo o listado elaborado ao efecto. Non haberá dorsais.

5. MODEL EVENT

Xunto coas pinzas daráselles un pequeno mapa similar ao da proba, con 5 balizas marcadas no terreo, que poderán realizar antes da saída para que se familiaricen co mapa que van a usar na competición.

6. PARTICIPANTES

Teñen dereito a participar os 10 primeiros clasificados nos Campionatos Provinciais nas súas respectivas categorías, o que supón un total de 40 participantes por provincia.

No caso de non completarse o cupo de 10 corredores por categoría o responsable do club organizador do Campionato Provincial pode incluír orientadores non clasificados entre os 10 primeiros ata completar o cupo fixado para a categoría correspondente. Para iso inscribirá preferentemente a corredores do mesmo centro que deixe a vacante ou vacantes.

Naqueles casos nos que os tres mellores centros escolares de cada provincia non tivesen clasificado un mínimo de tres orientadores entre os 10 primeiros de cada categoría, poden inscribir cando menos a 3 orientadores na categoría correspondente (ver anexo II).

Os orientadores federados que non competisen no Campionato Provincial correspondente ou non se clasificaran entre os 10 primeiros poderán participar igualmente no Campionato Galego na categoría que lles corresponda por idade.

7. INSCRICIÓN

Gratuita para todos os participantes, facéndose cargo a FEGADO dos costes da mesma.

O responsable do club organizador de cada Campionato Provincial realizará a inscrición dos corredores correspondentes á súa provincia utilizando para iso o formulario Excel que figura na páxina web da FEGADO acompañando a este boletín.

O prazo para enviar por correo electrónico o listado de inscritos remata o **venres, 13 de abril**, ás 14:00 horas.

8. LICENZA

Para poder participar é necesario estar en posesión da licenza federativa de tempada ou de proba/día.

Os orientadores sen licenza de tempada poden obtela **gratuitamente**, a través dun club FEGADO, facéndose cargo a FEGADO do coste da mesma (2,00 € por licenza, ao tratarse de orientadores entre 6 e 16 anos que se federen por primeira vez).

Os orientadores sen licenza de tempada que non saquen esa licenza correrán con licenza de proba/día, facéndose cargo a FEGADO do coste da mesma (2,00 €).

9. DESPRAZAMENTO

A cargo dos participantes

10. CATEGORIAS

INFANTIL FEMININO (nacidas en 2004 e 2005)

INFANTIL MASCULINO (nacidos en 2004 e 2005)

CADETE FEMININO (nacidas en 2002 e 2003)

CADETE MASCULINO (nacidas en 2002 e 2003)

11. PERCORRIDOS

Haberá **catro percorridos**, un para cada categoría.

PERCORRIDO	CONTROIS	LONXITUDE (km)	DESNIVEL (m)
INFANTIL FEMININO	14	1,9	115
INFANTIL MASCULINO	15	2,1	125
CADETE FEMININO	15	2,4	120
CADETE MASCULINO	17	2,6	130

12. MAPA E TERREO

Mapa con escala 1/7500, equidistancia 5 m e rexistro FEDO: C-1970-17. Revisado en febreiro do 2018 e adaptado á norma ISOM 2017.

Terreo aberto e semiaberto con numerosos camiños, na súa maioría amplos, e algúns muros. Basicamente existen dúas zonas: unha de parque e outra de repoboación con árbores autóctonas, sobre todo carballos.



En xeral imos atopar un chan limpo –o equipo de parques e xardíns encárgase do seu coidado e mantemento- pero pode haber zonas con vexetación rasteira que fai aconsellable a protección da parte inferior das pernas con malla ou pantalón longo.



13. REGULAMENTO

A proba será de tipo individual contrarreloxo e desenvolverase na modalidade de orientación en liña. O participante terá que pasar obrigatoriamente por todos os controis seguindo a orde numérica consecutiva marcada.

As normas aplicables a esta competición son as establecidas pola FEGADO para a XXVII Liga Galega de orientación a Pé do 2018.

14. SISTEMA DE CONTROL.

Por medio de Pinza Electrónica Sportident. En caso de fallo do sistema Sportident o participante deberá marcar con pinza tradicional nas casiñas impresas no propio mapa para así certificar o paso polo control correspondente.

O club organizador asignará **gratuitamente** unha pinza electrónica a todo orientador que nona teña.

15. POSIBLES INCIDENCIAS DO SPORTIDENT.

Resumo do procedemento de actuación ante posibles incidencias Sportident

- **Corredor que non limpa a súa tarxeta na saída.**
É responsabilidade do corredor limpar na zona de saída (na estación sportident correspondente) a súa tarxeta. Todo corredor que por non limpar a súa tarxeta de datos

anteriores, se quede sen memoria nela, e chegue a meta con picadas no mapa por ese motivo, será descualificado por **erro en tarxeta**.

- **Corredor que non descarga a súa tarxeta (pinza) sportident ao rematar.**

Todo corredor debe picar o punto meta (dobre círculo no mapa) e posteriormente ir descargar a súa tarxeta (pinza) onde estea previsto pola organización.

Aceptarase como válido que os corredores descarguen as súas tarxetas ata a hora de peche da meta. Os corredores que non descarguen nese prazo serán considerados **fóra de control**.

- **Corredor ao que lle falta algún punto de control na tarxeta.**

Será automaticamente descualificado. É responsabilidade do corredor asegurarse que o seu paso polo control quedou correctamente rexistrado na súa tarxeta, aspecto que indica o pitido e a luz da estación ao introducirlle a pinza sportident.

Esta descualificación inclúe todas as posibilidades, excepto que se comprobe que o sistema fallou. Entón, a estación non dá luz nin son, polo que o corredor é responsable de detectalo, e picar manualmente no lugar establecido para eses casos no seu mapa.

- **Corredor que entra en meta e non pica.**

Todo corredor que entre en meta e non pique o punto meta, pode volver a picalo. En cambio si deixou algún outro punto do seu percorrido sen picar, non pode volver ao terreo.

RECORDATORIO:

- Limpar e comprobar a tarxeta ou pinza na saída.
- Coidado con descualificar por non esperar pitido e/ou luz na estación.
- Comprobar que o código da estación que “picamos” pertence ao noso percorrido porque pode haber balizas próximas.
- Seguir a orde numérica de controis no percorrido correspondente. Por exemplo, se se pica a 4 antes da 3, non se descualifica se se volve a picar a 3, despois de novo a 4, e logo a 5, 6, etc.
- É obrigatorio picar na estación de meta, e despois descargar na estación-descarga na secretaría. Así comprobaremos que non queda ningún “perdido” no monte.

16. CLASIFICACIÓN INDIVIDUAL

Faranse catro clasificacións, unha por cada unha das categorías.

Levaran premio os tres primeiros clasificados de cada categoría.

17. CLASIFICACIÓN POR CENTROS ESCOLARES

Farase unha clasificación por centros escolares que se obterá a partir de 8 puntuacións: 2 infantís femininas, 2 infantís masculinas, 2 cadetes femininas e 2 cadetes masculinas). Daráselle un punto ao primeiro clasificado, dous ao segundo, tres ao terceiro, e así sucesivamente. Gaña o centro que menos puntos obteña na suma desas 8 puntuacións.

18. ALGUNHAS NORMAS E RECOMENDACIÓNS

- É obrigatorio realizar o percorrido na orde indicada no mapa.
- Comprobar sempre o código da baliza porque pode haber balizas próximas de diferentes percorridos.
- A carreira é individual. Non está permitido seguir a outros corredors.
- É unha competición que se debe realizar en silencio.

- Os orientadores teñen que ser respectuosos co medio natural polo que non deben tirar lixo ao chan en toda a zona de competición.
- Levar unha muda para poder cambiarse despois da carreira, sobre todo calzado e calcetíns.

19. NORMAS DE PREVENCIÓN DE RISCOS E SEGURIDADE

Os orientadores participan na proba baixo a súa propia responsabilidade, asumindo os riscos inherentes ás carreiras de orientación a pé.

Todos os participantes que tomen a saída están obrigados a pasar polo control de meta, aínda no caso de que non completen o percorrido, e descargar a súa tarxeta no lugar previsto pola organización para garantir que non quede ninguén no monte.

Os puntos de control estarán situados en lugares que non supoñen ningún risco para os competidores e na zona pola que transcurren os percorridos non existe ningún perigo especial destacable, diferente do que conleva o desprazamento a través do monte: terreo irregular, vexetación rasteira, ramas no chan,...

Haberá unha ambulancia no centro de competición para atender a todos os corredores que o precisen.

Recordáselles aos participantes a obrigatoriedade de ofrecer axuda a todo participante que o precise por atoparse mancado.

ORGANIZA:

Club USC – Servizo de Deportes da Universidade de Santiago de Compostela.

Tfno: 881 81 50 76

orientacionusc@gmail.com



COLABORAN:



CABREIROÁ